

۳۷ اولغله ❖ تخمینا سکسان درت یاشنده بر دول عورت ایکن کچه و کوندوز اوروجلر و دعار ایله عبادت ایدرک هیکلدن آیرلزی ایدی  
 ۳۸ ❖ ایمدی مذکوره اول ساعتده حاضر اولوب ربه جد ایدرک اورشلیمه خلاصه منتظر اولنلرک جله سنه اکا دائر سویلدی  
 ۳۹ ❖ انلر دخی ربک شریعتی موجبجه بالجمله واجب اولان نسنه لری اجرا ایتدکن صکره جلیله و کندیلرک شهری اولان ناصرتیه عودت  
 ۴۰ ایلدیلر ❖ معصوم دخی بیویوب روحده قوتلنرک حکمت ایله مشحون اوله رق اللهک عنایتی انک اوزرنده ایدی .

۴۱ ایمدی والدینی هر ییل فصیح بیرامنده اورشلیمه واره کلمکله  
 ۴۲ ❖ (عبسی) اون ایکی یاشنده اولدیغی زمان بیرامک عادتی  
 ۴۳ موجبجه اورشلیمه چیقیدیلر ❖ و (بیرام) کونلرینی تمام ایدوب عودت ایلدکلرنده چوجق عبسی اورشلیمه قالدی . اما یوسف ایله  
 ۴۴ (عبسی نك) والدهسی (بونى) بلیهرک ❖ یولداشلر اراسنده در ظنیه بر کونلک یول کمتشلر ایکن انی اقربا ایله اشنارک اراسنده  
 ۴۵ ارادیلر ایسده ❖ بوله مدقلرندن انی ارامق ایچون اورشلیمه  
 ۴۶ دوندیلر ❖ ایمدی واقع اولدیکه اوچ کوندن صکره انی هیکلده معلملر اراسنده اوطوروب و انلری دکلیوب مسائل صوریور بولدیلر  
 ۴۷ ❖ انی ایشدنلرک جله سی عقلی ایله جوابلرینه تعجب ایدیورلر  
 ۴۸ ایمدی ❖ (والدینی) دخی انی کورنجه شاشوب والدهسی اکای اوغلر بزه نیچون بویله حرکت ایلدک . اشته باباک هم بن غم والم چکهرک  
 ۴۹ سنی ارایور ایدک دیدی ❖ اول دخی انلره (جوابا) بنی نیچون ارایور ایدیکنز . پدرمک مسکنلرنده اولتق بکا کرک ایدیکنی بلمزمی

(۳۷) ۱ ملو ۲۲ . (۴۰) اید ۵۲ و ۱۸۰ . (۴۱) خرو ۲۳ ۱۵ و ۱۷ و ۱۳ ۲۴ ۲۳ لاو ۵ ۲۳ ۱۶

۱ . (۴۲) تاریخ مسیحی نك سکرنجی سنه سنده یو واقع اولدی . (۴۷) ۴ ۲۲

و ۲۲ مر ۲۸ ۷ و ۲۷ یوح ۱۵ و ۲۶ .